

大明集禮  
九

專祀太歲風雲雷雨師

吉禮十三

籍田享先農

吉禮十二

吉野

74  
F292  
10







大明集禮卷十二

吉禮十二

藉田享先農

總序

祭法曰王為羣姓立社曰太社王自為立社曰  
 王社王社亦曰帝社鄭玄謂王社在藉田之中  
 詩載芟序云春藉田而祈社是也又周官籥章  
 凡國祈年于田祖吹豳雅擊土鼓以樂田畯鄭  
 氏曰田祖始耕田者謂神農也漢立官社文帝

去五味均平歲





74  
6292  
111

令官祠先農先農即神農也。晉武詔復二社。北齊及隋又改曰先農。唐神龍中禮官祝欽明議以禮典無先農之文先農與社本是一神妄為改作請改先農壇為帝社壇以應禮經王社之義至開元定禮又采齊隋之議復曰先農。宋陳祥道曰先儒謂王社建於藉田然國語王藉則司空除壇農正陳藉禮而歷代所祭先農而已不聞祭社也。詩曰春藉田而祈社非謂社稷建於藉田也。今按祝欽明云先農即社陳祥道云

社自社先農自先農藉田所祭乃先農非社也。雖其說不同未知孰是要之其為重農報本之義一也。若夫藉田之制則考於月令與周官可見。月令天子孟春之月乃擇元辰親載耒耜置之車右帥公卿諸侯大夫躬耕藉田千畝於南郊冕而朱紘躬秉耒天子三推三公五推諸侯九推反執爵于太寢三公九卿諸侯大夫皆御命曰勞酒季秋之月藏帝藉之收於神倉地官內宰詔王后帥六宮之人生種稷之種而獻于



大明集禮 卷十二  
王甸師掌率其屬而耕耨王藉以時入之以共  
粢盛其制如此然享先農之禮與躬耕同日禮  
無明文惟周語云農正陳藉禮而韋昭注謂陳  
藉禮者祭其神為農祈也至漢以藉田之日祀  
先農而其禮始著漢舊儀春耕藉田官祠先農  
百官皆從置藉田令丞東漢藉田儀正月始耕  
常以乙日祠先農於田所先農已享耕于乙地  
由晉魏以下至於唐宋其禮不廢政和間罷享  
先農為中祀命有司行事止行親耕之禮南渡

後復親祠元雖議耕藉而竟不親行其祠先農  
命有司攝事而已

國朝親祠躬耕始復遵古禮云

時日

月令孟春之月乃擇元辰說者曰元辰祈穀郊  
後吉辰也十二支謂之辰郊天是陽故用辛日  
耕藉是陰故用亥辰知用亥者正月亥為天倉  
以其耕事故用天倉也周語立春之日農祥晨  
正至二月初吉王裸鬯而行藉禮漢文用亥日



耕藉祠先農後王相承用之明帝耕以二月章  
帝耕以正月乙日晉武帝以正月丁亥宋文帝  
以正月上辛後吉亥享先農親耕齊武帝時王  
儉以爲比來親耕並用立春後亥日經無明文  
何佟之云少牢饋食禮禘太廟用丁亥鄭玄以  
不必丁亥今若不得丁則用己亥辛亥苟有亥  
焉可也梁初依宋禮以正月用事天監中以  
尚書云以殷仲春藉田理在建卯於是改用二  
月唐用孟春吉亥宋用正月上辛後亥日政和

中議禮局言孟春親耕下太史局擇日不必專  
用吉亥元用孟春吉亥

國朝以仲春擇吉日行事

### 壇壝

周語虢文公云藉田之制司空除于藉漢文帝  
立壇於田所其制如社之壇宋於宮之辰地八  
里外整制千畝中開阡陌立先農壇於中阡西  
陌南梁移藉田于建康北岸築兆域如南北郊  
齊作祠壇於陌南阡西廣輪三十尺四陞三壝



大明集禮 卷十二  
四門又爲大營於外北齊立帝社唐高宗改籍田壇爲先農壇神龍初復改先農壇爲帝社壇於壇西立帝稷壇禮同太社惟不備方色有異焉壇高五尺方五丈四出陛其色青祀前二十日脩畢宋先農壇九尺四十步飾以青二壝元壇制同社壇縱廣十步高五尺四出陛其色青每方開靈星門

國朝壇在籍田之北高五尺濶五丈四出陛  
配位

漢祠令太社外又立官社配以夏禹立官稷配以后稷元始中議以官稷配官社光武中興但太社有稷而官社無稷北齊祀先農神農氏於壇上無配享隋以后稷配唐初於帝社壇西立帝稷壇至開元定禮又除帝稷壇祀先農於壇上以后稷配歷宋元至

國朝遂爲常典焉

神席

唐宋正配位皆席以莞元加以褥



國朝奉主置于案不用席

祝冊

唐祀先農正位祝文曰維某年歲次月朔日子皇帝某敢昭告于帝神農氏獻春伊始東作方興率由典則恭祀千畝謹以制幣犧齊粢盛庶品肅備常祀陳其明薦以后稷配神作主尚享后稷氏祝文曰土膏脉起爰脩耕藉恒事于帝神農氏惟神功叶稼穡寔允昭配謹以制幣犧齊粢盛庶品式陳明薦侑神作主尚享宋祝文

缺元攝祀正位祝文曰維年月日皇帝敬遣某官昭告于帝神農氏夾鍾應律耕藉以時順考彛章載祈農事謹以制幣牲齊粢盛庶品用伸明薦以后稷氏配尚享配位祝文曰日中星鳥禮重藉田用薦常事于帝神農氏惟神之功粒我烝民允諧昭配謹以云云尚享

國朝洪武二年仲春

皇帝親祠先農祝文曰惟神生於天地開闢之初創田器別嘉種以肇興農事古今億兆非此



不生永爲世教帝王典祀敬不敢忘某本庶民  
因天下亂集兵保民者一紀于茲荷天地眷佑  
海內一家臨御稱尊紀綱黎庶考典崇祀神載  
策書今東作方興禮宜告祭謹命太常官築壇  
於京城之陽躬率百司詣壇展禮緬惟神明造  
化萬世如斯仰冀發太古之苗實初生之粟爲  
民立命昭祀無疆謹以制幣犧齊庶品肅備常  
祀陳其明薦以后稷氏配神作主尚享后稷氏  
祝文曰惟土膏脉起爰脩耕藉用薦常事于先

農之神惟神功協稼穡允宜昭配謹以制幣犧  
齊粢盛庶品式陳明薦作主侑神尚享

祭器

唐制正配位各設犧尊二象尊二山罍二籩豆  
各十簠簋各二登鉶俎各三宋每位著尊二壺  
尊二皆有罍加勺畢以爲酌尊太尊二山尊二  
犧尊二象尊二皆有罍加畢設而不酌籩豆各  
十有二簠簋登各一俎各五元攝祀正位太尊  
二著尊二犧尊二山罍二於壇上象尊二壺尊



二山壘二於壇下配位著尊二犧尊二象尊二  
山壘二於壇上壺尊二山壘二於壇下籩豆各  
十簋簋各二銅各三俎各五盤各一

**國朝**正配位各 尊二籩豆各十簋簋各二登  
銅俎案各三

幣

自**唐宋**以來皆用青幣

牲

**周**制春藉田祈社稷牲用太牢**漢**祠先農以一

太牢後**魏**用羊一**宋**初以羊豕元豐間復加純  
色犢**元**用太牢

**國朝**用犢一羊一豕一配位同

酒齊

**唐**正配位犧尊實以醴齊象尊實以盎齊山壘  
實以清酒上尊各實明水玄酒**宋**著尊實醴齊  
壺尊實盎齊上尊各實玄酒設尊並實五齊三  
酒

**國朝**同唐宋



棗盛

唐簠實以稷簋實以稻宋簠實以稷簋實以黍  
元簠實以黍稷簋實以稻粱

國朝同

籩豆之實

唐籩實以石鹽乾魚乾棗栗黃榛子仁菱仁芡  
仁鹿脯白餅黑餅豆實以韭菹醢醢菁菹鹿醢  
芹菹兔醢荀菹魚醢脾析菹豚拍宋籩加糗餌  
粉資豆加飴食糗食元同唐制

國朝因之

樂章

歷代祠先農與耕藉田皆有樂唐祠先農之樂  
降神以角音奏永和之樂以姑洗之均作文舞  
之舞樂舞三成登歌奏肅和之樂迎俎奏雍和  
之樂酌獻奏壽和之樂飲福同亞獻終獻奏泰  
和之樂武舞之舞送神奏永和之樂宋仁宗更  
定先農樂章迎神奏靖安之樂文舞儲靈錫慶  
之舞登歌奏嘉安之樂迎俎奏豐安之樂酌獻



登歌奏禧安之樂飲福同亞獻終獻文舞退武  
舞進奏正安之樂送神奏靖安之樂元攝祀樂  
作三成

國朝迎神奏永和之樂三成奠幣奏永和之樂  
迎俎奏雍和之樂三獻並奏壽和之樂文德之  
舞徹豆送神並奏永和之樂望瘞奏泰和之樂  
其藉田之樂唐制耕訖太常卿引皇帝入自南  
門還大次樂作皇帝出自內壝東門釋鎮圭執  
大圭八次樂止宋制皇帝送神畢還大次宮架

樂作出內壝門外釋大圭服通天冠絳紗袍輦  
至小次降輦至耕藉位受耒耜宮架樂作三推  
禮畢帝升觀耕壇宮架樂作升自午階登歌樂  
作三公以下至庶人耕畢北面再拜皆退復位  
皇帝降座登歌樂作至壇下升輦宮架樂作還  
宮

國朝親耕用教坊樂其日附京耆老皆率其子  
弟以村社簫鼓集于耕所而迭奏焉

冠服



九則集禮 卷二 十一  
周制天子親耕冕而朱紘漢以來冕服無文宋  
文帝元嘉中親祠躬耕著通天冠青幘青袞佩  
蒼玉侍祠蕃王以下至六百石皆衣青惟三臺  
武衛不耕者不改章服唐乘輿服袞冕侍祠者  
各服其服如圓丘儀宋太宗端拱儀祀前一日  
皇帝服通天冠絳紗袍執圭赴東郊行宮齋宿  
祀之日服袞冕執鎮圭親享畢詣耕藉位行三  
推禮禮畢改服通天冠絳紗袍而還元不親祠  
其攝祀官並法服

國朝

皇帝服袞冕十二章

皇太子侍祠服袞冕九章陪祀官俱法服

車輅

周藉田天子親載耒耜置之車右漢制無文晉  
武太始四年躬耕御木輅宋文御耕根三蓋車  
駕蒼駟建青旂以享先農而親耕齊使御史乘  
馬車載耒耜從五輅梁制侍中奏耒耜載於象  
輅以隨木輅之後唐乘耕根車宋太宗雍熙儀



乘耕根車以象輅載耒耜列於仗內御前在皮  
軒車後端拱儀改乘玉輅以耕根車載耒耜仁  
宗明道中乘玉輅適耕所司農卿以耕根車載  
耒耜前玉輅以行徽宗政和儀改乘耕根車而  
以耒耜載于玉輅高宗朝太常議王之五輅玉  
輅最貴耕根一名芒車所謂農輿蓋車之無飾  
者也南齊藉田御史乘馬車載耒耜於五輅之  
後時以爲禮輕梁更用侍中載象輅今政和儀  
帝御耕根而耒耜乃載於玉輅輕重失序矣請

乘玉輅而以耕根載耒耜如端拱明道故事元  
不親耕至元中定擬皇帝以耕根車載耒耜於  
御間

**國朝**因宋制

皇帝乘玉輅而以耕根載耒耜

陳設

**唐**制前祀三日有司陳設大次御位及文武官  
位太樂令設樂懸並同圓丘祀天儀唯樂懸樹  
路鼓及爲瘞培于壇北壬地設望瘞位於內壝



東門之內道南爲異又設御耕藉位於外壝南門之外十步所南向設從耕三公諸王尚書諸卿位於御座東南西向諸王公尚書卿非耕者位於耕者之東尚舍設御耒席於三公之北南向奉禮設司農卿位於御耒席東西向設廩犧令位於司農之南少退諸執耒耜者位於公卿耕者之後非耕者之前西向設酒尊之位於壇上神農氏犧尊二象尊二山罍二於東南隅后稷氏犧尊二象尊二山罍二在神農酒尊之東

俱北向西上設御洗於壇南陞東南亞獻之洗於東陞之南俱北向執尊罍篚幕者各位於尊罍篚幕之後設幣篚於壇上各於尊坫之所晡後郊社令帥齋郎以坫罍洗篚幕入設于位至祀之日太史令郊社令升設神農氏神座於壇上北方南向設后稷氏神座於東方西向席皆以莞宋前期設御座於藉田思文殿之中南向設御幄於觀耕壇上大次於殿上小次二一於先農壇午階下一於觀耕壇酉階下羣臣次於



大明集禮 卷三十三  
門之內外設饌幔樂舞前一日設神農氏位於壇之北方南向后稷氏位於東方西向席皆以莞設御位版於壇下飲福位版於壇上望瘞位版於子階之西羣臣位各以其方司農設御耒耜於南門外御耕版位於耕籍所侍耕位於東西階從耕三公位在東南北卿諸侯位在其南皆西向庶人位在其南十步外耆老陪耕位又在其南皆西向御耒席於三公之北太僕設御耕牛於御耕位之西太常設登歌於觀耕壇上

宮架於庶人耕位之南耕籍使位於御耕位之東侍中在其南司農卿位於侍中之後籍田令位於司農卿之南奉青箱官位於司農卿之後司農少卿位於庶人之前太社令位於司農之西太僕卿位於御耕牛之東畿邑縣令位於庶人之東執耒耜者位於公卿耕者之後執耒耜者之前司農設從耕耒耜及牛各於其位之前兵部陳仗士及耕根車於皇城南門之外  
親耕



**國朝**祀前二日有司掃除壇上下灑掃齋舍饌室神厨設

皇帝大次於外壇之東設

皇太子次於大次之右祀前一日設省牲位於內壇東門之外設樂懸及協律郎位於壇下之南設先農神座於壇上南面設后稷神座於壇上西面設

御位於壇下北向

皇太子位於

御位之東稍後設望瘞位於壇西南設典儀御史四人位於壇下東西相向設導駕官太常卿六人位於

御位之前東西相向設傳贊贊引各二人位於協律郎之南東西相向設文武官陪祭位於樂懸之南設諸執事官位於陪祭官之左右設讀祝位於神位之右設正配位酒尊於壇上設御洗於壇下又設

御位於耕藉壇上設



御耒耜二具於壇南裏以青絹設戶部尚書進耒耜位於

御耒耜之左設從耕丞相都督左右丞叅政御史大夫中丞侍御治書六部尚書太常卿位於御耒耜之左右設應天知府上元江寧知縣位於太常卿之後設庶人耆老位於知縣之後

### 齋戒

皇帝散齋三日致齋二日陪祭執事官各齋戒五日並如圓丘祀天儀

### 齋宮

宋太宗雍熙四年定東郊青城齋宮殿門名前殿曰兩儀後殿曰延慶大殿門曰龍德左掖門曰光天右掖門曰麗天東門曰鳳陽西門曰安福南門曰祈年北門曰玄英大殿東西廊門曰日華月華後園五花亭曰會芳御幄後門曰福慶哲宗紹聖間增脩殿名曰思文元無其制

國朝



耕所

周制天子耕藉田千畝于南郊文公言藉田之制司空除壇于藉漢文帝東耕藉田昭帝幼卽位耕於鈎盾弄田鈎盾宦者近署故往試耕爲戲弄也後漢明帝東巡耕於下邳章帝北巡耕于懷縣晉武耕于東郊之南洛水之北去宮八里爲千畝之制宋文帝度宮之辰地八里之外整制千畝中開阡陌立御耕壇於中阡東陌北將耕宿青幕於壇上梁武普通中移藉田於

建康北岸立觀耕臺於壇東親耕畢以觀公卿之推反齊設御耕壇於阡東陌北隋於東南十四里啓夏門外制千畝唐耕於東郊不開阡陌設御耕位於壇南十步貞觀中議藉田所在給事中孔穎達曰禮天子藉於南郊諸侯於東郊晉武時於東南今於城東不合古禮太宗曰禮緣人情何常之有虞書之平秩東作已在東矣又乘青輅載黛耜者所以順於春氣故知合在東方也於是遂定宋初耕於東郊神宗元豐中



議以天子為籍於南郊諸侯為籍於東郊是為不易之典而歷世帝王循用東郊之制乃依古禮度地於京城東南御耕位在先農壇壇門東南築壇高五尺周圍四十步四出陞飾以青元耕籍南郊

**國朝**籍田在皇城南門外

御耕籍位在先農壇東南高三尺濶二丈五尺四出陞

耒耜牛附

**周**制天子親載耒耜唐御耒耜二具內一具為副並縮以青籍席二領各一丈御耒耜牛四頭內二頭副牛衣以青三公九卿諸侯耒耜一十五具牛四十頭內十頭副庶人耒耜二十具畚二具鍤二具高宗乾封間閱耒耜有雕刻文飾者謂左右曰田器農人執之在於朴素豈貴文飾乎命徹之宋御耒耜二及縮皆飾以青御耕青牛四衣以青如無青牛以黃牛代而以青羅夾衣蓋之從耕官每耒耜用牛二頭耒耜三十



牛六十庶人四十人並青衣耒耜四十牛八十  
鍤十畝二十元不親耕至元中定擬御耒耜二  
韜以青其制取合農用不雕飾畢日收之御耒  
之牛四并牛衣三公九卿諸侯耒十有五耕牛  
四十庶人耒耜二十具鍤二耕牛四十

**國朝設**

御耒耜二具依農家常用者製造用青絹包裹  
御耕牛四衣以青衣從耕官耒耜 具牛

頭庶人

八牛

頭鍤

畝

耕推之數

**周**制天子三推三公五推諸侯九推周語虢文  
公曰王耕一撥班三之庶人終于千畝一撥一  
耜之撥也班次也三之者謂下各三其上也王  
一撥公三卿九大大夫二十七也漢章帝元和  
中耕藉天子三公九卿諸侯百官以次耕推數如  
**周法**宋文帝親耕三推三反王公及諸侯五推  
五反孤卿大夫七推七反士九推九反藉田令  
率其屬耕竟畝唐玄宗開元中親耕詔左右曰



古禮三推朕今九推庶九穀之報也遂進耕五十餘步盡壟乃止**宋**太宗端拱中親耕行三推禮有司奏禮畢帝顧侍臣曰朕志在勸農恨不終于千畝豈以三推為限乎遂耕數十步侍臣固請乃止高宗紹興親耕至九推

**國朝**耕推之數如周法

穀種

**周**官內宰上春詔王后帥六宮之人生穰種之種而獻之王先種後熟曰種後種先熟曰種必

使后宮藏種者以其有繁育之祥也必生而獻之者示能育之使不傷敗且佐王耕事供祭祀也**漢**文帝種百穀萬斛為立籍田食**宋**文帝時后率六宮出種種之種付籍田令**北齊**於千畝內種赤梁白穀大豆赤黍小豆黑稭麻子大麥小麥**隋**以青箱播殖九穀**唐**廢其禮**宋**青箱之制以竹木為之而無蓋兩頭設臺襟飾以青色中分九隅隅設一種覆以青綾夾帊其種用黍稷秫稻粱大豆小豆大麥小麥每色各三斗**元**



制缺

國朝

藉田執事

唐皇帝夾侍二人正衣二人並合以祀先農壇  
 充中書門下先奏侍中一人奉耒耜進耕畢  
 書令一人從侍禮部尚書一人復受耒耜禮畢  
 行事官充司農卿一人授耒耜於右衛將軍一人上已  
 並侍衛太尉司徒司空各一人行五推禮九卿九  
 人行九推禮諸侯三人行九推禮已上並差禮

儀使一人

贊導耕籍禮

太常卿一人

贊導耕籍禮已上官便合取祀

先農壇已上

宋

親耕儀皇帝夾侍一人正衣二

以壇上行事

侍中一人中書令一人戶部尚

書一人

並侍禮儀使太常卿各一人

贊導以上官便合取

壇上行

司農卿二人

一人耜及受耒耜於侍中侍耕

一人奉青箱種

太僕卿一人

授綏及執

將軍各一人

並侍太尉司徒司空各一人諸王

四人並行五推禮九卿九人諸侯三人並行九

推禮以上並

三公諸王九卿諸侯執牛官各一



人捧青箱二人司農卿一人帥庶人少卿一人赴千畝  
檢校庶人郊社令一人助司農少卿太常博  
終千畝士六人贊導廩犧令二人農卿一人奉御耒耜授司  
行禮諸王三公從者每人各三人九卿諸侯從者每  
人各一人耕並助元不親耕至元中擬定籍田儀  
皇帝夾侍二人尚衣二人侍中一人奉耒耜中  
書令一人禮部尚書一人侍從司農一人受耒  
耜於侍中太僕卿一人執牛左右衛將軍各一  
人侍衛三公以宰輔攝九卿以左右僕射尚書

御史大夫攝其諸侯以正負一品官及嗣王攝  
禮儀使一人太常卿一人贊禮三公九卿諸侯  
執牛三十人用六品以下官通事舍人分導文  
武官就耕所太常帥其屬用庶人二十八以郊  
社令一人押之太常卿一人率庶人趨耕所博  
士六人分贊耕種禮司農少卿一人督視庶人  
終千畝廩犧令二人一人奉耒耜授司農卿一  
人掌耒耜主籍田懸令一人三公從者各三人  
九卿諸侯從者各一人以助耕



勞酒

周制耕籍畢反執爵於太寢三公九卿諸侯大夫皆御命曰勞酒勞酒謂既耕而宴以勞羣臣也大寢踞寢御侍也周語辨文公曰耕畢膳夫陳享膳宰監之膳夫贊王王歆太牢班賞之庶人終食禮車駕還宮之明日設會於太極殿如元會之儀惟不賀不上壽宋雍熙禮車駕還宮後擇日大宴仁宗耕畢設勞酒於集英殿

國朝耕畢

皇帝置酒于大次從耕大臣咸預執事百官列坐幕外光祿徧行酒食耆老及村社樂藝皆露賜焉

國朝

皇帝耕籍親享先農儀注

時日 太常司行移司天臺擇仲春吉日行事

齋戒 前期

皇帝散齋三日致齋二日陪享官並齋五日  
省牲 前祭二日設



皇帝大次于外壝東門外南向省牲位于內壝東門之外南向前祭一日

車駕出詣大次太常卿奏中嚴

皇帝服皮弁服太常卿奏外辦導駕官同太常卿導引

皇帝詣省牲位執事者各執乃事廩犧令帥其屬牽牲自東出西過

御前省訖牽詣神厨執事者取毛血實于豆太常卿奏請詣神厨導駕官同太常卿導引

皇帝至神厨太常卿奏請視鼎鑊請視滌濯遂烹牲導駕官同太常卿導引

皇帝還大次

陳設 前祭一日有司陳設如圖儀

鑾駕出宮 鹵簿導從同圓丘祀天儀

正祭 祭日清晨太常少卿率執事者各實尊罍簋簠籩豆登俎又實幣于篚陳于酒尊所祝版置于

正配神位之右樂生舞生入就位太常卿奏請



中嚴

皇帝服袞冕太常卿奏外辦導駕官同太常卿  
導引

皇帝自南門入至位北向立

迎神 贊禮唱迎神協律郎舉麾俯伏跪奏永  
和之曲三成樂止贊禮唱請行禮太常卿奏有  
司謹具請行事太常卿奏鞠躬拜興拜興平身  
皇帝鞠躬拜興拜興平身贊禮唱

皇太子以下在位官皆再拜傳贊唱鞠躬拜興

拜興平身

皇太子以下皆鞠躬拜興拜興平身樂止

奠幣 贊禮唱奠幣執事官捧幣各立於酒尊  
所太常卿奏請詣盥洗位導駕官同太常卿導

引

皇帝詣盥洗位太常卿贊盥曰前期齋戒今晨  
奉祭加其清潔以對神明太常卿奏搢圭

皇帝搢圭司洗者捧盤進巾太常卿奏盥手悅  
手出圭



皇帝盥手帨手出圭太常卿奏請升壇贊曰神明在上整肅威儀升自午陛太常卿奏請詣先農神位前司幣者捧幣以俟協律郎舉麾俯伏跪奏永和之曲導駕官同太常卿導引

皇帝至神位前北向立太常卿奏跪摺圭

皇帝跪摺圭司香官舉香跪進于

皇帝之左太常卿奏上香三上香

皇帝上香上香三上香司幣者捧幣跪進于

皇帝之右

皇帝受幣奠于先農神位前太常卿奏出圭鞠躬拜興拜興平身

皇帝出圭鞠躬拜興拜興平身太常卿奏請詣

后稷神位前導駕官同太常卿導引

皇帝至神位前東向立太常卿奏跪摺圭

皇帝跪摺圭司香官捧香跪進于

皇帝之左太常卿奏上香三上香

皇帝上香上香三上香司幣者捧幣跪進于

皇帝之右



皇帝受幣奠于后稷神位前太常卿奏出圭鞠躬拜興拜興平身

皇帝出圭鞠躬拜興拜興平身太常卿奏復位導駕官同太常卿導引

皇帝復位

進熟 贊禮唱進俎太常卿奏請升壇協律郎俯伏跪舉麾奏雍和之曲進俎官舉俎升壇導駕官同太常卿導引

皇帝至先農神位前太常卿奏搢圭

皇帝搢圭進俎官以俎進于

皇帝之右

皇帝以俎奠于先農神位前太常卿奏出圭請詣后稷神位前

皇帝出圭導駕官同太常卿導引

皇帝至后稷神位前進俎官以俎進于

皇帝之右太常卿奏搢圭

皇帝搢圭以俎奠于后稷神位前太常卿奏出圭



皇帝出圭太常卿奏復位導駕官同太常卿導引

皇帝復位

初獻 贊禮唱行初獻禮太常卿奏行初獻禮請詣爵洗位導駕官同太常卿導引

皇帝至爵洗位太常卿奏搢圭

皇帝搢圭執爵官以爵進

皇帝受爵滌爵拭爵以爵授執爵官太常卿奏出圭

皇帝出圭太常卿奏請詣酒尊所導駕官同太常卿導引

皇帝升壇至酒尊所太常卿奏搢圭

皇帝搢圭執爵官以爵進

皇帝執爵司尊者舉罍酌醴齊

皇帝以爵授執爵官太常卿奏出圭請詣先農神位前

皇帝出圭至神位前協律郎俛伏跪舉麾奏壽和之曲武功之舞太常卿奏跪搢圭



大明集禮 卷十二  
皇帝跪搢圭司香官捧香跪進于

皇帝之右太常卿奏上香上香三上香

皇帝上香上香三上香執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵樂舞止太常卿奏

出圭

皇帝出圭讀祝官取祝版於神右跪讀訖樂舞

作太常卿奏俯伏興平身稍後鞠躬拜興拜興

平身

皇帝俯伏興平身稍後鞠躬拜興拜興平身樂

舞止太常卿奏請詣酒尊所導駕官同太常卿

導引

皇帝至酒尊所執爵官以爵進

皇帝受爵司尊者舉罍酌醴齊

皇帝以爵授執爵官太常卿奏請詣后稷神位

前導駕官同太常卿導引

皇帝至神位前太常卿奏跪搢圭



皇帝跪搢圭司香官捧香跪進于

皇帝之左太常卿奏上香上香三上香

皇帝上香上香三上香執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭

皇帝出圭讀祝官取祝版於神位之右跪讀訖

太常卿奏俯伏興平身稍後鞠躬拜興拜興平

身

皇帝俯伏興平身稍後鞠躬拜興拜興平身太  
常卿奏請復位導駕官同太常卿導引

皇帝復位

亞獻 贊禮唱行亞獻禮太常卿奏行亞獻禮

請詣爵洗位導駕官同太常卿導引

皇帝至爵洗位太常卿奏搢圭

皇帝搢圭執爵官以爵進

皇帝受爵滌爵拭爵以爵授執爵官執爵官又

以爵進



大司馬志 卷十二  
皇帝受爵滌爵拭爵以爵授執爵官太常卿奏  
出圭

皇帝出圭太常卿奏請詣酒尊所導駕官同太  
常卿導引

皇帝升壇至酒尊所太常卿奏搢圭

皇帝搢圭執爵官以爵進

皇帝受爵司尊者舉帛酌盎齊

皇帝以爵授執爵官太常卿奏出圭請詣先農  
神位前協律郎俯伏跪奏壽和之曲文德之舞

導駕官同太常卿導引

皇帝至神位前太常卿奏跪搢圭

皇帝跪搢圭執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭俯

伏興平身稍後鞠躬拜興拜興平身

皇帝出圭俯伏興平身稍後鞠躬拜興拜興平  
身樂舞止太常卿奏請詣酒尊所導駕官同太



常卿道引

皇帝至酒尊所執爵官以爵進

皇帝受爵司尊者舉罍酌盎齊

皇帝以爵授執爵官太常卿奏請詣后稷神位

前樂舞作道導駕官同太常卿道引

皇帝至神位前太常卿奏跪搢圭

皇帝跪搢圭司香官捧香跪進于

皇帝之左太常卿奏上香上香三上香

皇帝上香上香三上香執爵官捧爵跪進于

皇帝之右

皇帝受爵太常卿奏祭酒祭酒三祭酒奠爵

皇帝祭酒祭酒三祭酒奠爵太常卿奏出圭俯

伏興平身稍後鞠躬拜興拜興平身

皇帝出圭俯伏興平身稍後鞠躬拜興拜興平

身太常卿奏請復位導駕官同太常卿道引

皇帝復位

終獻 贊禮唱行終獻禮並同亞獻儀

飲福 贊禮唱飲福受胙太常卿奏請詣飲福



大明集禮 卷十二  
位導駕官同太常卿導引

皇帝升壇至飲福位北向立太常卿奏鞠躬拜興拜興平身

皇帝鞠躬拜興拜興平身太常卿奏跪搢圭皇帝跪搢圭捧爵官酌福酒跪進于

皇帝之左贊曰惟此酒肴神之所與賜以福慶億兆同霑

皇帝受福酒祭酒飲福酒以爵置于坫捧胙官捧胙跪進于

皇帝之右

皇帝受胙以胙授執事者執事者跪受胙于

皇帝之右太常卿奏出圭俯伏興平身稍後鞠躬拜興拜興平身

皇帝出圭俯伏興平身稍後鞠躬拜興拜興平身太常卿奏請復位道駕官同太常卿導引

皇帝復位

徹豆 贊禮唱徹豆協律郎俯伏跪舉麾奏永和之曲掌祭官徹豆贊禮唱賜胙太常卿奏



大司馬禮 卷十二 三十三  
皇帝飲福受胙免拜贊禮唱

皇太子以下在位官皆再拜傳贊唱鞠躬拜興拜興平身

皇太子以下皆鞠躬拜興拜興平身

送神 贊禮唱送神協律郎俯伏跪舉麾奏永和之曲太常卿奏鞠躬拜興拜興平身

皇帝鞠躬拜興拜興平身贊禮唱

皇太子以下在位官皆再拜傳贊唱鞠躬拜興拜興平身

皇太子以下皆鞠躬拜興拜興平身贊禮唱祝人取祝幣人取幣詣望瘞位讀祝官捧祝奉幣官捧幣掌祭官取饌及爵酒詣瘞次樂止

望瘞 贊禮唱望瘞太常卿奏請詣望瘞位協律郎俯伏跪舉麾奏泰和之曲導駕官同太常卿導引

皇帝至望瘞位贊禮唱可瘞執事者以祝幣牲體酒饌置坎內填土至半太常卿奏請還大次皇帝還大次解嚴



大田集禮 卷十二 三十四  
耕籍 太常卿奏請詣耕籍位導駕官同太常  
卿導引

皇帝至耕籍位南向立三公以下及從耕者各  
就耕位戶部尚書北面進耒耜導駕官同太常  
卿導引

皇帝秉耒三推訖戶部尚書跪受耒太常卿奏  
請復位

皇帝復耕籍位南向坐三公五推尚書九卿九  
推訖各退就位太常卿奏禮畢導駕官同太常

卿導引

皇帝還大次華蓋侍衛如常儀應天府尹及兩  
縣令率庶人終畝是日宴勞百官耆宿於壇旁  
鑾駕還宮


鹵簿導從並如來儀大樂鼓吹振作







先農陳設圖



集禮卷十二 三十七





耕藉圖

却立

御柔耜

宣國公

中丞

治書

尚書

尚書

太常卿

知府

知縣

知縣

庶人

集禮卷十二 三十八

一久

往位

御史  
典儀

侍儀  
太常卿

協律郎

生樂

傳贊

生舞

贊引

武陪享官



先農陳設圖

稷	鹽	菱
梁	蠶	芡
肉羹	棗	鹿脯
大羹	栗	白餅
	榛	黑餅
牲		
燭		

集禮卷十二 三十九

申立

申立

申立

申立

申立

申立

戶部尚書進米鼎

都督

參政

尚書

尚書

尚書



樂圖

搏拊  
搏拊  
歌工  
歌工  
歌工  
歌工  
歌工  
歌工

協律郎

祝

琴琴琴琴琴瑟瑟

鐘

笛笛箎箎塤塤

和笙和笙簫簫鳳笙鳳笙

應鼓

集禮卷十二 四

配位同

祝

黍

祝

蕤

稻

醴

兔醴

筭

蕤

鬯

魚醴

蕤

羹

脾析

鹿醴

醢

豚拍

蕤

牲

燭

羹  
羹

牲

牲

牲

牲



舞圖

引舞

舞

生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武

引舞

生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文

集禮卷十二 四十一

搏拊
搏拊
歌工
歌工
歌工
歌工
歌工
歌工

協律部

歌

琴	琴	琴	琴	琴	琴	琴
---	---	---	---	---	---	---

磬

塤	塤	箎	箎	笛	笛
---	---	---	---	---	---

鳳笙	鳳笙	簫	簫	和笙	和笙
----	----	---	---	----	----



引舞

十

生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武

引舞

生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文

大明集禮卷十二

大明集禮卷十三

吉禮十三

專祀太歲風雲雷雨師

總序

太歲者十二辰之神按說文歲之字從步從戌  
 木星一歲行一次十二辰而一周天若步然也  
 自子至巳為陽自午至亥為陰所謂太歲十二  
 神也陰陽家說又有十二月將十日十二時所  
 直之神若天罡太乙功曹太衝之類雖不經見



大司馬禮 卷十三  
歷代因之。唐宋不載祀典。元每有大興作祭太  
歲月將日直時直於太史院。若其風師雨師之  
祀見於周官。秦漢隋唐亦皆有祭天寶中又增  
雷師於雨師之次。因升風雨雷師為中祀。宋元  
因之。

國朝既於

圓丘以

太歲風雨雷師從祀且增

雲師於風師之次。復以春秋驚蟄秋分後之三

日專祀本歲

太歲及風師雲師雷師雨師于國南羣祀壇

天子降香遣官行事。其郡縣風雲雷雨師之祭  
一如前代之儀云。

壇制 時日附

太歲之祀始自

國朝古無壇宇之制。若風雲雷雨之祀則月令  
以立春後丑日祭風師於國城東北。立夏後申  
日祀雨師於國城西南。北之於東北西南者從



箕畢星位也。**東漢**以丙戌日祀風師於戌地以  
 已丑日祀雨師於丑地以丑戌日祀於丑戌地  
 者各從其氣類也。**唐**因隋制於立春後丑日祀  
 風師於國城東北立夏後申日祀雨師雷師於  
 國城西南其壇皆三尺周迴十六步。**宋**兆風師  
 於西郊兆雨師於北郊風師壇高三尺周二十  
 三步雨師雷師壇高三尺廣一十五步。**元**祭風  
 師於東北郊祭雨師於西南郊而郡縣立壇通  
 祀風雨雷師雷雨壇在稷壇西風師壇在社壇

東其制卑小於社稷壇

**國朝**以春秋合祭太歲風雲雷雨於國南其制  
 屋而不壇若各府州縣之祀風雲雷雨師則仍  
 築壇於城西南祭用鷩鷩秋分日

牲幣

**周禮**大宗伯以禋燎祀風師雨師禋燎者積柴  
 以實牲體而燎之也爾雅曰祭風曰磔磔謂披  
 磔牲體象風之散物也。**漢**祀風師雨師牲用羊  
**豕**唐用羊一**宋**祀雨師羊二豕二風師雷師各



羊一元祀風雨雷師各羊一豕一

國朝太歲風雲雷雨師各用一太牢其幣則唐

宋元及

國朝皆以白

祭器

唐祀風雨雷師每壇設太尊一著尊一山罍一

籩豆十簠簋二宋每壇置犧尊四象尊四以為

酌尊置太尊二山尊二著尊二犧尊二象尊二

壺尊六以為設尊籩十豆十簠二簋二登一元

如宋制

國朝太歲風雲雷雨各用尊三籩八豆八簠二  
簋二

酒齊

唐祀風雨雷師太尊實醴齊著尊實盎齊山罍

寶事酒宋設尊其八寶五齊三酒其八寶明水

玄酒酌尊犧尊寶泛齊象尊實醴齊元及

國朝太歲風雲雷雨酌尊皆同宋制

采盛



大司馬禮 卷十三  
唐宋元及

國朝皆簋實黍稷簠實稻粱

籩豆之實

唐宋元及

國朝皆籩實以石塩乾魚棗栗榛菱芡鹿脯白

黑餅豆實以韭菹醢醢菁菹鹿醢芹菹兔醢筍

菹魚醢脾折菹豚拍

樂

周禮大司樂奏黃鍾歌大呂舞雲門以祀天神

唐初祀風師雨師無樂天寶中因增祀雷師升

風雨雷師為中祀乃用登歌一部貞元中令色

佶撰樂章宋初祀風雨雷師無樂元豐中始用

樂制樂章以為降神之節焉元樂制未聞

國朝用雅樂

祝冊

唐祀風師祝文曰維某年歲次月朔日子嗣天

子某謹遣攝太尉臣某姓名敢昭告于風師惟

神舍生開動畢佇振發功施造化寔彰祀典謹



以制幣犧齊粢盛庶品明薦于神尚享兩師祝  
文曰時維正陽品物方茂式資膏潤敬脩常祀  
雷師祝文曰殷發三春震開萬物禮存報德式  
備常典首尾俱與風師祝文同

**國朝**

**宋元**祝文缺

專祀天神壇位

集禮卷十三六

雷師之神

風師之神



樂圖

搏拊  
搏拊  
歌工  
歌工  
歌工  
歌工  
歌工  
歌工

協律郎

祝

琴琴琴琴琴瑟瑟

鐘

笛笛箎箎塤塤

和笙和笙簫簫鳳笙鳳笙

集禮卷十三七

有甲太崇之神

雨師之神

雲師之神



舞圖

引舞

十舞

生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武
生武	生武	生武	生武

引舞

生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文
生文	生文	生文	生文

集禮卷十三 八

搏拊
搏拊
歌工
歌工
歌工
歌工
歌工
歌工

協律部

歌

瑟 瑟 琴 琴 琴 琴 琴

磬

塤 塤 箎 箎 笛 笛

鳳笙	鳳笙	簫	簫	和笙	和笙
----	----	---	---	----	----







黍

稻

大羹

牲

燭

祝

韭菹

醯醢

菁菹

鹿醢

芹菹

兔醢

荀菹

魚醢

太歲風雲雷雨樂章

迎神

中和之曲

吉日良辰祀典式陳太歲尊神雷雨風雲濯濯

黃林姑黃姑林南林南林姑太林黃姑黃姑黃

厥靈昭鑑我心以候以迎來格來歆

太姑黃南姑林林姑黃太南林姑南

奠幣

保和之曲

靈旗涖止有赫其威一念潛通幽明弗違有幣

林黃太姑姑林南林南林姑太林太南黃南黃



在筐物薄而微神兮安留尚其享之  
南姑姑林南林南林姑太黃太姑林

初獻

安和之曲

神兮我留有薦必受享祀之初奠茲醴酒晨光  
夾黃太夾林南林太太林南林夾林夾黃太黃  
初升祥徵應候何以侑觴樂陳雅奏  
南林黃南夾林夾黃太夾南黃林夾

亞獻

肅和之曲

我祀維何奉茲犧牲爰酌醴齊載觴載升洋洋

黃林姑黃姑林南林南林黃太林太南黃黃南  
如在式燕以寧庶表微衷交于神明  
林姑黃南姑林黃太姑太南林姑黃

終獻

凝和之曲

執事有嚴品物斯祭黍稷非馨式將其意薦茲  
太黃太姑林夷林太仲林夷林太林姑黃太黃  
酒醴成我常祀神其顧歆永言樂只  
太姑黃夷林太林黃太姑林夷林太

徹豆

壽和之曲



春祈秋報率為我民我民之生賴于爾神維神  
黃林姑黃黃南姑林黃太姑太林太南黃黃南  
祐之康寧是臻祭祀云畢神其樂欣

姑林姑太南黃姑林南林南林姑黃

送神

豫和之曲

三獻禮終九成樂作神人以和既燕且樂雲車  
林黃太姑林南林太黃南黃姑林太南黃黃南  
風馭靈光昭灼瞻望以思邈彼寥廓

林姑黃林南林林姑黃太姑林南林

望燎

熙和之曲

俎豆既徹禮樂已終神之云還倏將焉從以望  
黃太姑林林南黃太黃南林姑姑林姑黃黃南  
以燎庶幾感通時和歲豐維神之功

黃姑林太南黃林姑黃太南林姑黃

降香遣官祀太歲風雲雷雨師儀注

時日 春以驚蟄後三日秋用雷收聲時秋分  
後三日行事

齋戒 前期三日



皇帝齋戒獻官及各執事官俱散齋二日致齋一日

降香 前祀一日清晨有司立仗百官具公服侍班

皇帝服皮弁服陞

奉天殿捧香授獻官獻官捧由中陞降中道出至午門外置龍亭內儀仗鼓吹導引至祭所

陳設 前祀一日有司陳設如圖儀

省牲 前祀一日獻官公服詣壇東省牲贊禮

引至省牲位執事者牽牲省訖詣神厨視鼎鑊視滌濯畢遂烹牲執事者以豆取毛血置于饌所

正祭 祭日清晨執事者入實尊壘簋簠籩豆牲俎并陳毛血豆于神位前列篚幣于酒尊所贊引引獻官及應祀官各入就位

迎神 贊禮唱迎神協律郎舉麾奏缺缺之曲樂成止贊禮唱有司已具請行禮唱鞠躬拜

興拜興平身獻官及在位者皆鞠躬拜興拜興



平身樂止

奠幣 贊禮唱奠幣贊引引獻官詣盥洗位搢  
笏盥手悅手出笏詣

太歲神位前協律郎奏缺缺之曲贊禮唱跪獻

官北向跪搢笏三上香執事者捧幣東向跪授

獻官獻官受幣贊禮唱奠幣獻官與奠幣于神

位前贊禮唱鞠躬拜興拜興平身次詣

風師雲師雷師雨師上香奠幣皆如

太歲神位前之儀奠訖樂止復位

進俎 贊禮唱進俎執事者舉俎升階協律郎

跪俛伏舉麾奏缺缺之曲贊禮引獻官至

太歲神位前搢笏以俎奠于神位訖出笏以下四位

進俎皆同

初獻 贊禮唱行初獻禮贊引引獻官詣爵洗

位搢笏滌爵拭爵以爵授執事者以下四位爵其滌拭授皆

同詣酒尊所司尊者舉罍執爵者以爵進酌醴

齊以爵授執事者以下四位進爵酌醴授執事皆同出笏贊禮

唱詣



太歲神位前協律郎舉麾奏缺缺之曲缺缺之

舞贊禮引至神位前跪搢笏三上香三祭酒奠

爵出笏俯伏興平身少退鞠躬拜興拜興平身

次詣

風師以下四位上香祭酒退拜皆如上儀拜畢

樂舞止贊禮唱讀祝獻官跪讀祝官取祝版于

神右跪讀畢樂舞作贊禮唱俯伏興平身稍後

鞠躬拜興拜興平身樂舞止

亞獻終獻並如初獻儀唯不讀祝

飲福受胙 贊禮唱飲福受胙贊引引獻官詣

飲福位鞠躬拜興拜興平身稍前跪搢笏進爵

祭酒飲福酒以爵復于坵奉俎者進俎獻官受

俎以俎授執事者出笏俯伏興平身鞠躬拜興

拜興平身復位

徹豆 贊禮唱徹豆掌祭官徹豆贊禮唱賜胙

傳贊唱已飲福受胙者不拜在位官皆再拜鞠

躬拜興拜興平身

送神 贊禮唱送神協律郎舉麾奏缺缺之曲



大明集禮 卷十三  
十一  
贊禮唱鞠躬拜興拜興平身獻官以下皆再拜  
祝人取祝幣人取幣詣望燎位

望燎 贊禮唱望燎贊引引獻官詣望燎位執  
事者以祝版幣饌置于燎壇贊禮唱可燎執事  
者舉炬火燔之柴半燎贊禮唱禮畢獻官以下  
各以次出

王國祭風雲雷雨

齋戒 前期王散齋二日於別殿王相府官于  
正寢王致齋一日於正殿王相府官于公廨

省牲 先祭二日執事設王次于廟壇南門外  
道之東南向先祭一日典儀典祠導王至次執  
事者各執事典儀典祠導

王至省牲位執事者自東牽牲西行過王前省  
訖執事牽牲詣神厨典儀典祠導王詣神厨視  
鼎鑊視滌濯訖典儀典祠導王還次

陳設 先祭一日典祠依圖陳設

正祭 祭日清晨典祠率執事者各實尊壘籩  
豆登銅置幣篚于案祝版于神位之右大樂入



就位諸執事及陪祭官入就位典祠啓王服遠  
遊冠絳紗袍典祠儀導王至位北向立典祠  
典儀分左右立于王之前

迎神 司禮唱迎神 大樂作 司禮唱請行禮典

祠啓有司謹具請行事啓鞠躬拜興拜興平身

司禮唱在位官再拜司贊唱鞠躬拜興拜興平

身王與在位官皆鞠躬拜興拜興平身 樂止

奠幣初獻 司禮唱奠幣行初獻禮典祠啓詣

盥洗位 大樂作 典儀典祠導王至盥洗位 樂止

典祠啓搢圭王搢圭典祠啓盥手司盥洗者酌

水王盥手訖司巾者以巾進典祠啓悅手王悅

手訖典祠啓出圭王出圭典祠啓詣爵洗位典

祠典儀導王至爵洗位典祠啓搢圭王搢圭執

爵官以爵進典祠啓受爵王受爵典祠啓滌爵

司爵洗者酌水王滌爵訖典祠啓拭爵司巾者

以巾進王拭爵典祠啓以爵授執事者王以爵

授執爵官典祠啓出圭王出圭啓詣

風雲雷雨神位前 大樂作 典祠典儀導王至神



位前樂止奉爵奉幣者前行典祠啓跪王跪掌  
 祭詣案取香跪進于王之左典祠啓搢圭王搢  
 圭啓上香上香三上香王三上香訖奉幣者捧  
 幣跪進于王之右王受幣奠于神位前奉爵者  
 捧爵跪進于王之右王受爵典祠啓祭酒祭酒  
 三祭酒奠爵王三祭酒奠爵訖典祠啓出圭王  
 出圭讀祝官取祝跪讀于神位之右讀畢復以  
 祝置于案典祠啓俯伏興拜興拜興平身王俯  
 伏興大樂作拜興拜興平身樂止典祠啓復位

典祠典儀導王復位

亞獻司禮唱行亞獻禮典祠啓行亞獻禮掌  
 祭官至神位前爵內斟酒典祠啓鞠躬拜興拜  
 興平身王鞠躬大樂作拜興拜興平身樂止  
 終獻如亞獻之儀  
 飲福受胙司禮唱飲福受胙執事饗香案置  
 于王拜位前執事酌福酒舉胙肉典祠啓飲福  
 受胙大樂作典祠典儀導王至香案前位典祠  
 啓鞠躬拜興拜興平身王鞠躬拜興拜興平身



典祠啓跪搢圭王跪搢圭執事捧爵東向跪進  
 于王王受爵訖啓飲福酒王祭酒少許飲福酒  
 以爵置于坫執事官東向跪進胙于王王受胙  
 以胙授左右左右西向跪受興典祠啓出圭啓  
 俯伏興拜興拜興平身王俯伏興大樂作拜興  
 拜興平身樂止典祠啓復位典祠典儀導王復  
 位

徹豆 司禮唱徹豆掌祭官徹豆司禮唱賜胙  
 典祠啓王飲福受胙者免拜司禮唱陪祭官皆

再拜司贊唱鞠躬拜興拜興平身陪祭官皆鞠

躬大樂作拜興拜興平身樂止

送神 司禮唱送神典祠啓鞠躬拜興拜興平

身司禮唱在位官皆再拜司贊唱鞠躬拜興拜

興平身王與陪祭官皆鞠躬大樂作拜興拜興

平身樂止

望燎 司禮唱望燎讀祝官取祝捧幣者取幣

掌祭官取饌詣燎所典祠啓詣望燎位大樂作

典祠典儀導王至望燎位樂止候燎半司禮唱



可燎典祠啓禮畢導引王還次引禮引陪祭官出

各府州縣祭風雲雷雨師儀

時日 春以驚蟄日秋用秋分日行事

齋戒 前三日三獻官散齋二日於別寢致齋

一日於祭所執事人負齋各一日於祭所

陳設 前祭二日有司掃除壇上下設三獻官

次于壇門外前一日執事者設省牲位于南門

外設神位于壇上近北南向每位設籩四於神

位之左豆四於神位之右簠簋各一於籩豆之

間毛血豆於簠簋前俎二又於其前香燭案於

俎前爵坫沙池於香案之前祝版位於神位之

右設酒尊所於壇上東南隅犧尊一山壘一設

幣篚位附于酒尊所設盥洗位於壇下之東爵

洗位於盥洗位之北初獻位於壇下正中之南

亞獻位於初獻位之左終獻位於初獻位之右

稍後從祭官位於獻官之後引贊位於獻官之

左右贊禮二人位於壇下之東讀祝位於神位



之右掌祭二人位於神位之左右司尊司爵司  
洗捧幣位各於其所設望燎位於壇之西南  
省牲 前祭一日執事者引三獻官至省牲位  
執事者自門東牽牲東行過獻官前執事者告  
脂訖牽詣神厨獻官詣厨視鼎鑊滌漑訖遂烹  
牲以豆取毛血置于饌所

正祭奠幣 丑前五刻行事執事者入實尊壘  
籩豆簠簋登釧陳毛血豆祝版三獻官服公服  
簽祝版於次執事者各冠垂脚唐帽圓領白襪

衫烏角帶各入就位引贊引獻官入就壇下拜  
位贊禮唱有司已具請行事贊禮唱鞠躬拜興  
拜興平身贊者唱奠幣引贊引初獻官詣盥洗  
位搯笏盥手悅手出笏引詣

風雲雷雨師神位前贊禮唱跪搯笏執事者以  
幣跪進于初獻之右初獻受幣奠于神位前訖  
稍後引贊唱俯伏興拜興平身復位

初獻 贊禮唱行初獻禮引贊引獻官詣爵洗  
位搯笏受爵滌爵拭爵以爵授執事者出笏次



引初獻自南陞升壇詣酒尊所搯笏受爵司尊者舉罍酌犧尊之緹齊以爵授執事者出笏引詣神位前北向立引贊唱跪搯笏掌祭官捧香跪進于獻官之左引贊唱上香上香三上香初獻三上香訖執爵者捧爵跪進于初獻官之右受爵引贊唱祭酒祭酒三祭酒初獻三祭酒奠爵出笏讀祝官取祝版跪于神位之右讀訖引贊唱俯伏興拜興拜興平身  
亞獻終獻其行事並與初獻同 唯不讀祝

飲福 贊禮唱飲福贊引引初獻官詣飲福位西向立掌祭者以爵酌福酒持詣獻官之左引贊唱鞠躬拜興拜興平身初獻官再拜訖引贊唱跪搯笏初獻官跪搯笏掌祭舉福酒爵進于初獻之左初獻官受爵祭酒少許飲福酒奠爵掌祭官減神位前肱肉跪進于初獻之左初獻受肱以肱授執事者引贊唱出笏俯伏興拜興拜興平身初獻再拜訖引復位贊禮唱賜肱初獻官飲福受肱免拜在位者皆再拜唱鞠躬拜



興拜興平身亞獻官以下皆鞠躬拜興拜興平身

望燎 贊禮唱詣望燎位引贊引初獻官以下詣望燎位祝人取祝幣人取幣掌祭取饌置于燎所贊禮唱可燎東西面各一人舉炬火燔之柴半燎贊引唱禮畢引初獻官以下及諸從祭官以次出

大明集禮卷十三



